
 XUNTA DE GALICIA CONSELLERÍA DO MAR Dirección Xeral de Ordenación e Xestión dos Recursos Mariños	Rúa do Valiño 63-65 – San Lázaro 15703 SANTIAGO DE COMPOSTELA Teléfono 981 54 40 07 – Fax 981 54 50 25	 XACOBEO 2010 Galicia
--	--	--

FICHA RESUME

Ano	2011
Plan explotación⁽¹⁾	PLAN DE ORDENACIÓN RÍA DE AROUSA
Réxime⁽²⁾	LIBRE MARISQUEO
Modalidade⁽³⁾	EMBARCACIÓN

Especies	Berberecho (<i>C. edule</i>), ameixa babosa (<i>V. pullastra</i>), ameixa fina (<i>R. decussatus</i>), ameixa bicuda (<i>V. aurea</i>), ameixa rubia (<i>V. rhomoideus</i>), ameixa xaponesa (<i>R. philippinarum</i>), carneiro (<i>Venus verrucosa</i>)
Ambito do plan	Zonas sublitorais das zonas de libre marisqueo da ría de Arousa
Subzonas de explotación	Banco <i>Lombos do Ulla</i> Banco <i>O Bohído</i> Banco <i>Cabío</i> Bancos próximos á illa de Sálvora

Participantes no plan de explotación		
Número de permex/persoas autorizadas		
Mariscadoras/es a pé	Embarcacións	Tripulantes
-	1383 todas as embarcacións que contan no seu permiso con "marisqueo" (Z3) ou "libre marisqueo" (Z3)	
Ampliación do número de permex ⁽⁴⁾		Non
Mariscadoras/es a pé	Embarcacións	Tripulantes/Habilitacións
-	-	-

Calendario de explotación											
Días máximos de extracción		120									
Época y zona probable de extracción ⁽⁵⁾ :											
Modalidade ⁽³⁾ : embarcación											
xan	feb	mar	abril	maio	xuño	xullo	agosto	setemb	outub	novemb	dec
X	X	X							X	X	X

Topes de captura: Os topes establécense en quilos por tripulante enrolado e a bordo e día, ata un máximo de tres cotas por embarcación
No punto de control, as cotas de captura poderán superar, por especie, como máximo un 10% do peso total.

Especies	Lombos do Ulla		O Bohído		Cabío		Resto zonas	
	Trip	Emb	Trip	Emb	Trip	Emb	Trip	Emb
Berberecho	6	18	-	-	5	15	5	15
Ameixa fina	2	6	2	6	2	6	2	6
Ameixa babosa	2	6	5	15	6	18	6	18
Ameixa xaponesa	4	12	2	6	5	15	5	15
Ameixa rubia	-	-	-	-	21	63	21	63
Ameixa bicuda			5	15	5	15	5	15
Carneiro	-	-	5	15	5	15	5	15

Os topes de ameixa babosa e ameixa rubia están relacionados por una táboa de conversión. Tendo en conta a modificación do tope de ameixa babosa con respecto a anos anteriores, foi necesario a modificación da táboa de equivalencia entre a **ameixa babosa/ameixa rubia** que queda como se indica:



Ameixa babosa (kg/tripulante/día)	Ameixa rubia (kg/tripulante/día)
6 kg	6 kg
5,5	7,5
5	9
4,5	10,5
4	12
3,5	13,5
3	15
2,5	16,5
2	18
1,5	19,5
1	21
0,5	21
0	21
0	21

Artes a empregar	Rastro cunha separacion de varillas de 17 mm
-------------------------	--

Puntos de control	<i>Lombos e Bohído</i> realizarase nas plataformas habilitadas <i>Cabío</i> : o control realizarase a bordo da lancha de vixilancia da confraría á que lle corresponda o control No resto de zonas, próximas a Sálvora, o control realizarase directamente nas lonxas.
Puntos de venda	Lonxas ou centros de venda autorizados.

Accións a realizar ⁽⁷⁾	Epoas probables ⁽⁸⁾											
	X	F	M	A	M	X	XI	A	S	O	N	D
Rexeneración zonas improdutivas												
Zonas:												
	X	F	M	A	M	X	XI	A	S	O	N	D
Extracción semente para resembr												
Zonas:												
Especies:												
	X	F	M	A	M	X	XI	A	S	O	N	D
Sementeiras												
Zonas:												
Especies:												
	X	F	M	A	M	X	XI	A	S	O	N	D
Traslados												
Zonas:												
Especies:												
	X	F	M	A	M	X	XI	A	S	O	N	D
Rareos												
Zonas:												
Especies:												
	X	F	M	A	M	X	XI	A	S	O	N	D
Limpezas e arados												



XUNTA DE GALICIA

CONSELLERÍA DO MAR
Dirección Xeral de Ordenación e
Xestión dos Recursos Mariños

Rúa do Valiño 63-65 – San Lázaro
15703 SANTIAGO DE COMPOSTELA
Teléfono 981 54 40 07 – Fax 981 54 50 25



XACOBEO 2010
Galicia

Zonas:

	X	F	M	A	M	X	XI	A	S	O	N	D
Outros												

Outras consideracións ⁽⁹⁾

Ambito do plan: bancos sublitorais das zonas de libre marisqueo da ría de Arousa que se describen a continuación:

Lombos do Ulla: como límite interno o río Ulla e como límite externo a liña imaxinaria que une punta Fincheira ata A Redonda (Soberbia) nas illas Malveiras e de aquí a punta Rebordexo na illa de Cortegada, deixando a salvo as zonas de autorizacións e plans das confrarías de Rianxo e Carril. A súa extensión aproximada é de 7 km². Este banco divídese en tres zonas:

- zona 0, desde o río ata a liña imaxinaria que une punta Palleiro con punta Grandoiro
- zona I, entre o límite da zona 0 ata a liña imaxinaria que une punta Salto Ladrón con punta Frandiño
- zona II, desde o límite da zona I ata o límite externo xa descrito

A liña imaxinaria que une as coordenadas 42°37,979`N / 08°46,721`W e 42°37,086`N / 08°47,936`W divide as zonas I e II en dúas subzonas:

- zona IA, ao E ata a liña imaxinaria que une as coordenadas 42°38,276`N / 08°46,820`W e 42°37,979`N / 08°46,721`W
- zona IB, ao W da liña antes citada
- zona IIA, ao NW da liña citada
- zona IIB, ao SE da liña citada

O Bohído: o banco localízase ao sur (ou limita polo norte) da liña imaxinaria oeste-este que une punta Aguillón (Illa de Arousa) con punta Rebandeira pequena e encóntrase ao norte (ou limita polo sur) da liña imaxinaria oeste-este que une o punto definido pola coordenada 42°31,325`N / 08°51,741`W (situada ao sur da Illa de Arousa) e transcurre polo norte do polígono de bateas Cambados D, ata a coordenada 42°31,375`N / 08°50,400`W (nas proximidades de Tragove-Cambados), excluindo as zonas de autorización da Illa, Cambados e Vilanova. A súa extensión é de 5,5 km² aproximadamente.

Cabío: situado nas inmediacións de punta Cabío, do norte de punta Ladiña á praia de Esteiro (na enseada de Palmeira), cunha extensión aproximada de 4 km². Esta delimitación foi acordada na reunión mantida entre todas as confrarías da ría de Arousa o día 11 de xullo de 2007.

Resto de zonas de libre marisqueo non sometidas a plans específicos aprobados para as distintas confrarías da ría de Arousa, próximas á Illa de Sálvora.

Especies: berberecho, ameixa fina, ameixa babosa, ameixa xaponesa, ameixa rubia, ameixa bicuda e carneiro

Participantes: todas as embarcacións asociadas ás confrarías de pescadores de O Grove, A Illa de Arousa, Cambados, Vilanova de Arousa, Vilaxoán, Carril, Rianxo, Cabo de Cruz, A Pobra do Caramiñal, Palmeira, Ribeira e Carreira-Aguiño, que teñan autorizado no seu permex en vigor a arte “marisqueo (Z3)” ou “libre marisqueo (Z3)”.

As embarcacións cando faenen acolléndose a este plan, deberán **rexistrar a actividade**



XUNTA DE GALICIA

CONSELLERÍA DO MAR
Dirección Xeral de Ordenación e
Xestión dos Recursos Mariños

Rúa do Valiño 63-65 – San Lázaro
15703 SANTIAGO DE COMPOSTELA
Teléfono 981 54 40 07 – Fax 981 54 50 25



XACOBEO 2010
Galicia

indicando “Lombos do Ulla”, “Bohído”, “Cabío”, “Outras zona”, segundo corresponda ao banco no que traballarán. As embarcacións non poderán faenar no mesmo día en máis dun banco.

As entidades deberán despachar telematicamente as embarcacións indicando “MARISQUEO (Z3)”, seleccionar no apartado “ARTES AUTORIZADAS NO PERMEX” e finalmente “SELECCIONAR A ZONA DE TRABALLO” (Lombos do Ulla, Bohído, Cabío e outras zonas), segundo correspnda. O mesmo día poderá modificarse **antes das 10.00 horas da mañá a zona de traballo**.

Épocas probables de extracción: os días máximos de extracción serán 120 días distribuídos no período comprendido entre 3 de xaneiro e o 31 de marzo de 2011 e o 3 de outubro ao 30 de decembro de 2011. A actividade desenvolverase semanalmente **de luns a venres**.

O calendario é o resultante das reunións mantidas os días 28 de setembro, 14 e 28 de outubro e 11 e 24 de novembro de 2010.

O período autorizado poderá ser modificado mediante a correspondente resolución da Dirección Xeral de Ordenación e Xestión dos Recursos Mariños trala petición do sector segundo os datos biolóxicos obtidos do seguimento continuo do banco e da evolución dos prezos no mercado.

Cotas máximas de captura: as cotas máximas de captura son as establecidas nesta ficha segundo os acordos adoptados nas reunións os días 28 de setembro, 14 e 28 de outubro e 11 e 24 de novembro de 2010.

No punto de control, as cotas máximas de captura poderán superar, por especie, un 10% do peso total.

A equivalencia ameixa rubia e ameixa babosa non será de aplicación no banco do *Bohído*.

As cotas máximas de captura para cada especie e período de tempo poderán ser modificadas mediante a correspondente resolución da Dirección Xeral de Ordenación e Xestión dos Recursos Mariños trala petición do sector segundo os datos biolóxicos obtidos do seguimento continuo do banco e da evolución dos prezos no mercado.

Arte a empregar: segundo acordo acadado co sector na reunión do día 28 de setembro de 2009, na procura dunha mellor selectividade na extracción, establécese que a separación mínima entre as varillas do cope sexa de **17 mm**. Tendo en conta que esta medida é máis restritiva que a establecida no Decreto 424/1993, non se observa inconveniente algún na súa aplicación.

Horario de traballo: o artigo 115^o.1 do *Decreto 424/1993, do 17 de decembro*, recolle que o horario de traballo para o marisqueo dende embarcación, nos días autorizados, será de **8:00 a 14:00 horas**.

Puntos de control: a vixilancia Os puntos de control serán responsabilidade das confrarías polo que o servizo de Protección de Recursos pasará a realizar unha función de inspección e vixilancia nas súas embarcacións así como por terra comprobando os topes, as tallas e a documentación necesaria para poder realizar a actividade.

O **punto de control** en *Lombos e Bohído* realizarase nas plataforma habilitadas para o efecto fondeadas nestes bancos. No banco de *Cabío* o control realizarase a bordo da lancha de vixilancia da confraría á que lle corresponda en cada momento. No resto das zonas, efectuarase nos puntos de venda autorizados.



Os participantes terán que pasar obrigatoriamente polos **puntos de control** ao remate da xornada de traballo (antes das 14,00 horas). O control realizarase dende as **10.00 ata as 14.00** horas.

Os participantes deberán chegar ao punto de control co marisco de talla regulamentaria e separado por especies, co fin de axilizar o proceso de control.

Os participantes deberán colaborar no punto de control e someterse ás inspeccións que se realicen. En caso de incumprimento do establecido na presente resolución, e a través do oportuno expediente, poderá ser sancionado segundo o establecido na *Lei 8/2004, do 30 de xullo, de protección, control, infraccións e sancións en materia marítimo-pesqueira de Galicia*. O deseño do calendario de vixilancia elaborárase nas sucesivas reunións mensuais de coordinación que se vaian realizando. A distribución farase tendo en conta a proximidade das confrarías aos distintos bancos.

Formas de comercialización e puntos de venda: a comercialización realizarase en lonxas ou centros de venda autorizados da Comunidade Autónoma de Galicia e nas formas autorizadas ao abeiro do *Decreto 419/1993, do 17 de decembro, polo que se refunde a normativa vixente sobre descarga, primeira venda e comercialización dos recursos mariños en fresco*, modificado polo *Decreto 101/2006, do 8 de xuño*.

Asesoramento científico-técnico: será realizado conxuntamente polo equipo de “Avaliación e seguimento científico das áreas mariñas pesqueiras protexidas” do CIMA. Estes equipos continuarán coas mostraxes poboacionais nos bancos de *Lombos do Ulla* e do *Bohído e Cabío*. Ademais, realizarán as mostraxes mensuais das caixas de exclusión que permiten coñecer o crecemento e a mortalidade natural das distintas especies nos bancos e rexistrar as variacións de temperatura e salinidade.

A análise da pesqueiría realizarase a partir dos datos diarios de venda das embarcacións que faenaron nestes tres bancos marisqueiros.

Grupo de traballo:

O deseño, revisión e modificación do plan será responsabilidade dun grupo de traballo constituído por un representante de cada unha das confrarías da ría de Arousa. Este representante será elixido polo cabido de cada confraría. A presidencia do grupo de traballo será anual e rotatoria. As reunións poderán celebrarse en calquera das confrarías da ría, ou nas dependencias dos departamentos territoriais ou delegacións da Consellería do Mar, trala presentación da correspondente solicitude.

O seguimento do funcionamento do plan e a elaboración de propostas de modificación, cando o consideren necesario, tamén correrá a cargo do grupo de traballo.

Para a elaboración do plan e polo tanto, desta ficha, tívose en conta os acordos adoptados nas reunións mantidas os días 28 de setembro, 14 e 28 de outubro, 11 e 24 de novembro de 2010.

En vindeiros anos, será o grupo de traballo o que elabore o borrador do plan e as propostas de modificación, que serán comunicadas ás respectivas confrarías para que sexan discutidas, e no seu caso, aprobados polo órgano de goberno da confraría. Tras recibir todas as respostas, o grupo de traballo elaborará a proposta final que remitirá á Consellería do Mar.